

Amplissimorum Curatorum Promulgatio in Tab.
Bibliothecæ nostræ Lubec. discripta, hîc omnino in-
serenda : *cum non omnes literarum amore flagrantes For-*
tuna rivus ita inaurarit, ut omnes istos libros, quibus ad soli-
dam eruditionem, & plurimarum rerum cognitionem perve-
niri inter doctos constat, sibi comparare possint : Amplissimus
Reip. hujus Magistratus ante complures annos de Bibliotheca
adornanda ; eadem quotannis augenda & necessariis in omni
disciplinarum genere libris instruenda consilium inire, & quan-
tum in eo, præclarorum Ingeniorum conatus, & studia prove-
here & promovere voluit. Sed cum illi, quibus hæc cura pu-
blice delegata est, ad hoc usq; tempus in selectissimis libris coë-
mendis occupati fuerint : fieri non potuit, ut cuivis ad libros
hos evolvendos aditus concederetur. Postquam vero maxi-
mam ea partem ita instructa est, ut nullius non Commodis
usui esse possit, Amplissimus hujus Reip. Magistratus pretio-
sissimum hunc Thesaurum non diutius occultandum, sed cum
Bonis & literarum amantibus communicandum esse duxit.
&c. **Egregium quidem & laude singulari dignum**
juvandi & ornandi studium ! omnibus literas amanti-
bus Museum Public. adornare, adornatum,
quotannis [NB.] augere ; auctum aperire, & Thesaurum
non abscondere ; sed cum Bonis omnibus communi-
care, Regiû hoc diceres Beneficium, Deiq; proprium,
qui quanto cuncta anteit bonitate, tanto se commu-
nicat impensius. Quæ cum ita sint, Amplissimi Patriæ
Patres, nec non & Curatores Nobilissimi, laude digni
estis immortali, & Prytaneo summisque Honoribus
cum-